



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Sententiæ prohibitæ ab Alexandro VII. anno 1665. & 1666.

urn:nbn:de:hbz:466:1-40873

44 *Pars 3. tract. I. Principia practica.*
occurrent , ab earum usu, & praxi cavendum
esse.

Censeo tamen varias earumdem propositio-
nrum , etiam ante prohibitionem , fuisse im-
probabiles : plurimum enim discrepant non
tantum à Christi-fidelium , sed à Librorum Sa-
cerorum & Patrum sensu; uti cuivis patebit con-
sideranti sedulò illas, cum proæmio Decreti hic
immediatè sequentis.

ALEXANDRI VII.

Decreta duo contra Propositiones 45

Feriâ V. die XXIV. Septemb. M. DC. LXV.
in Congregatione Generali S. Romana & univer-
salis Inquisitionis habitâ in Palatio Apostolia
Montis Quirinalis Coram SS.D N. D. ALEXAN-
DRO divina Providenti: Papa VII. Ac Eminentissimis ac Reverendissimis Dominis S. R. E. Car-
dinalibus , Inquisitoribus à S. sede Apostolica speci-
liter deputatis.

S Anctissimus D. N. audivit non sine magno
Animi fui moerore , complures opiniones
Christiana disciplinæ relaxativas , & animarum
perniciem inferentes ; partim antiquatas iterum
fuscitari , partim noviter prodire : & summan-
illam luxuriantium ingeniorum licentiam in-
dies magis excrescere , per quam in rebus ad con-
scientiam pertinentibus modus opinandi irrep-

sit alienus omnino ab Evangelica simplicitate, Sanctorumque Patrum doctrina, & quem si pro recta regula fideles in praxi sequerentur, ingens irreptura esset vitae Christianae corruptela. Quare ne ullo unquam tempore viam salutis, quam suprema veritas Deus, cuius verba in æternum permanent, arctam esse definivit, in animarum perniciem dilatari, seu verius perverti contineret; idem Sanctissimus D.N. ut oves sibi creditas ab ejusmodi spatiose, lataque, per quam itur ad perditionem, via, pro Pastorali sollicitudine in rectam semitam evocaret, earundem opinionum examen pluribus in sacra Theologia Magistris, & deinde Eminentissimis & Reverendissimis DD. Cardinalibus contra hereticam pravitatem Generalibus Inquisitoribus serio commisit: qui tantum negotium strenue aggressi, eique sedulò incumbentes, & mature discussis usque ad hanc diem infra scriptis propositionibus, super unaquaque ipsarum sua suffragia Sanctitati Suæ singillatim exposuerunt.

1. Homo nullo unquam vita sua tempore tenetur elicere actum fidei, spei, & charitatis ex vi praeceptorum divinorum ad eas virtutes pertinentium.

2. Vir Equestris ad duellum provocatus potest illud acceptare, ne timiditatis notam apud alios incurrat.

3. Sententia afferens, Bullam Cœna solum prohibere solutionem heresis, & aliorum criminum, quando publica sunt, & id non derogare Facultati Tridentini, in qua de occultis criminibus sermo est, anno 1629. 18. Iulij in Consistorio sacre Congregationis Eminentissimum Cardinalium visa, & tolerata est.

4. Prelati regulares possunt in foro conscientia absolvere quoscumque世俗的 faculares ab heresi occulta, & ab excommunicatione propter eam incursa.

5. Quama

46 Pars 3. tract. I. Sententiæ quædam prohibitæ.

5. Quamvis evidenter tibi constet Petrum esse hereticum, non teneris denunciare, si probare non possis.

6. Confessarius, qui in Sacramentali Confessione tribuit penitenti chartam postea legendam, in qua ad Venerem incitat, non censetur sollicitasse in Confessione, ac proinde non est denunciandus.

7. Modus evadendi obligationem denunciande sollicitationis est, si sollicitatus confiteatur cum sollicitante, hic potest illum absolvere absque onere denuntiandi.

8. Duplicatum stipendium potest Sacerdos pro eadem Missa licet accipere, applicando petenti partem etiam specialissimam fructus ipsum celebranti correspondenter, idque post Decretum Urbani VIII.

9. Post Decretum Urbani potest Sacerdos, cui Missa celebranda traduntur, per alium satisfacere, collato illi minori stipendio, aliâ parte stipendi sibi retentâ.

10. Non est contra iustitiam pro pluribus Sacrificiis stipendium accipere, & Sacrificium unum offerre, neque etiam est contra fidelitatem, etiam si promittam promissione etiam juramento firmatâ danti stipendium, quod pro nullo alio offeram.

11. Peccata in Confessione omissa, seu oblita ob instans vita periculum, aut ob aliam causam, non temur in sequenti Confessione exprimere.

12. Mendicantes possunt absolvere à casibus Episcopis reservatis, non obtentâ ad id Episcoporum facultate.

13. Satisfacit præcepto annua Confessionis, qui confitetur Regulari Episcopo presentato, sed ab eo injuste reprobato.

14. Qui facit Confessionem voluntariè nullam, satisfacit præcepto Ecclesiæ.

15. Penitens propriâ autoritate substituere sibi alium potest, qui loco ipsius Penitentiam adimpleat.

16. Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario.

17. Est

Pars 3. tract. 1. Sententiæ quædam prohibitæ. 47

17. Est licitum Religioso vel Clerico calumniatorem gravia crimina de se, vel de sua Religione spargere minantem, occidere, quando alius modus defendendi non suppetit, uti suppetere non videtur, si calumniator sit paratus vel ipse Religioso vel ejus Religioni publicè, & coram gravissimis viris prædicta impingere, nisi occidatur.

18. Licet interficere falsum accusatorem, falsos testes, ac etiam Iudicem, à quo iniqua certò imminet sententia, si aliâ viâ non potest innocens damnum evitare.

19. Non peccat maritus occidens propriâ auctoritate uxorem in adulterio deprehensam.

20. Restitutio à Pio V. imposta beneficiatis non recitantibus, non debetur in conscientia ante sententiam declaratoriam Iudicis, eo quod sit pena.

21. Habens Cappellaniam collatiavam, aut quodvis a illo beneficium Ecclesiasticum, si studio litterarum vacet, satis-facit suæ obligationi, si officium per alium recitet.

22. Non est contra iustitiam beneficia Ecclesiastica non conferre gratis, quia collator conferens illa beneficia Ecclesiastica pecuniâ interveniente, non exigit illam pre collatione beneficij, sed veluti pro emolumento temporali, quod tibi conferre non tenebatur.

23. Frangens jejunium Ecclesie, ad quod tenetur, non peccat mortaliter, nisi ex contemptu vel ex inobedientia hoc faciat, puta quia non vult se subiictere præcepto.

24. Mollities, sodomia, & bestialitas sunt peccata ejusdem speciei infima, adeoque sufficit dicere in Confessione, se procurasse pollutionem.

25. Qui habuit copulam cum soluta, satisfacit Confessionis præcepto, dicens commisi cum soluta grave peccatum contra castitatem, non explicando copulam.

26. Quando litigantes habent pro se opiniones aquæ probabiles, potest Iudex pecuniam accipere pro ferenda sententia in favorem unius p'r' alio.

27. Si liber sit alicujus junioris & moderni, debet opinie

48 Pars 3. tract. 1. Sententia quædam prohibita.
pinio censeri probabilis, dum non constet rejectam esse à
Sede Apostolica tanquam improbatum.

28. Populus non peccat, etiam si absque ulla causa non
recipiat legem à Principe promulgatam.

Quibus peractis, dum similium propositionum
examini cura & studium impenditur, intercā
idem Sanctissimus re mature consideratā statuit,
& decrevit, prædictas propositiones, & unam
quamque ipsarum, ut minimū tamquam scan-
dalosas esse damnandas, & prohibendas, sicut
eas damnat ac prohibet: ita ut quicumque illas,
aut conjunctim, aut divisim docuerit, defende-
rit, ediderit, aut de eis etiam disputativè, publi-
cè aut privatim tractaverit, nisi forsan impug-
nando, ipso facto incidat in excommunicatio-
nem, à qua non possit (præterquam in articulo
mortis) ab alio, quācumque etiam dignitate ful-
gente, nisi à pro tempore existente Romano
Pontifice absolvi.

Insuper districtè in virtute sanctæ obediencie
& sub interminatione divini judicij prohibet
omnibus Christi fidelibus, cuiuscumque condi-
tionis, dignitatis, ac status etiam speciali, & spe-
cialissima notā dignis, ne prædictas opiniones,
aut aliquam ipsarum ad praxim deducant.

Ioannes Lupus Sanctæ Romanae & universali
inquisitionis Not. &c. Loco sigilli. *

Anno à Nativitate D. N. IESV Christi 1665. in
diictione tertia die verò 2. Mensis Octōbris. Pontificatus
verò Sanctissimi in Christo Patris D. N. D. Alevandri
divinā Providentiā Papæ VII. anno undecimo, supra
dictum Decretum affixum, & publicatum fuit ad val-
vas Basiliæ Principis Apostolorum, Cancellariae Apo-
stoli

Pars 3. tract. I. Sententiae quedam prohibitæ. 49
lice, ac in acie campi Flore, ac in aliis locis solitis &
confuetis urbis, per me Carolum Molanum ejusdem
Sanctissimi D. N. Pape & Sanctissimæ Inquisitionis
Curorem.

Feria V. Die XVIII. Martii M. DC. LXVI. In
Congregatione generali Sanctæ Romanae &
universalis Inquisitionis, ut suprà.

S Anctissimus D. N. post latum Decretum die
xxiv. Septembris proximè elapsi, quo virgin-
ti octo Propositiones damnatae fuerunt, exami-
natis sedulò, & accuratè usque ad hanc diem
infrascriptis aliis quadragesimum quintum nu-
merum implentibus, per plures in Sacra Theo-
logia Magistros, ac per Eminentissimos, & Re-
verendissimos DD. Cardinales adversus hæreti-
cam pravitatem Generales Inquisidores, eorum
suffragia singillatim super unaquaque ipsarum
audivit.

29. *In die jejunii, qui sapiùs modicum quid come-
dit, et si notabilem quantitatem in fine comederit, non
frangit jejunium.*

30. *Omnes Officiales, qui in Republica corporaliter
laborant, sunt excusati ab obligatione jejunii, nec de-
bent se certificare, an labor sit compatibilis cum je-
junio.*

31. *Excusantur absolutè à precepto jejunii omnes il-
li, qui iter agunt equitando, ut cumque iter agant,
etiam si iter necessarium non sit, & etiam si iter unius
dies conficiant.*

32. *Non est evidens, quod consuetudo non comedend
Tom, II.*

C

di

50 Pars 3. tract. 1. Sententiæ quædam prohibite.
di ova & lacticinia in Quadragesima obliget.

33. Restitutio fructuum ex omissione Horarum super-
pleri potest per quascumque eleemosynas, quas ante be-
neficiariis de fructibus sui beneficii fecerit.

34. In die Palmarum recitans officium Paschale,
satisfacit præcepto.

35. Unico officio potest quis satisfacere dupli-
ce præcepto pro die presenti & crastino.

36. Regulares possunt in foro conscientia uti privile-
giis suis, qua sunt expressè revocata per Concilium Tri-
dentinum.

37. Indulgentie concessæ Regularibus, revocata à
Paulo V. hodie sunt revalidatae.

38. Mandatum Tridentini, factum Sacerdoti sacri-
ficanti ex necessitate cum peccato mortali, confiteri quam
primum, est consilium, non præceptum.

39. Illa particula, quam primum intelligitur,
cum Sacerdos suo tempore confitebitur.

40. Est probabilis opinio, que dicit esse tantum ve-
niale osculum habitum ob delectationem carnalem &
sensibilem, quæ ex osculo oritur, secluso periculo con-
sensus ulterioris & pollutionis.

41. Non est obligandus concubinarius ad ejiciendam
concubinam, si haec nimis utilis esset ad oblectamentum
concubinarii, vulgo Regalo, dum deficiente illo nimis
agregeret vitam, & alia epula tadio magno concubi-
narium afficerent, & alia famula nimis difficile inve-
nitur.

42. Licitum est mutuanti aliquid ultra sortem exi-
gere, si se obliget ad non repetendam sortem usque ad
certum tempus.

43. Annum legatum pro anima relictum non du-
rat plus quam per decem annos.

44. Quoad forum conscientie, Reo correcto, ejusque
contumacia cessante, cessant censuræ.

45. Li-

Pars 3. tract. I. Sententiae quædam prohibite. 51

45. Libri prohibiti, donec expurgentur, possunt retineri, usque dum adhibitâ diligentia corrigantur.

Quibus maturè pensatis, idem Sanctissimus statuit, ac decrevit prædictas Propositiones, & unamquamque ipsarum, ut minimum, tanquam scandalosas esse damnandas, & prohibendas, sicut eas damnat, ac prohibet. Ita ut quicunque illas, aut conjunctim, aut divisim docuerit, defenderit, ediderit, aut de eis etiam disputative, publicè aut privatim tractaverit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolvî.

Insuper districte in virtute sanctæ obedientiae, & sub interminatione Divini Judicii prohibet omnibus Christi fidelibus cujuscumque conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Ioannes Lupus, Sancta Romana & Universalis Inquisitionis Not. Loco  Sigilli.

INNOCENTII XI.

Decretum contra Propositiones 65.

Feria Quinta Die II. Martii M. DC. LXXIX.
In generali Congregatione S. ROMANÆ & universalis Inquisitionis habitâ in Palatio Apostolico

C 2

Vati-